



## “TARBIAH RASULULLAH SAW PEMANGKIN PEMBANGUNAN UMMAH”

الْحَمْدُ لِلَّهِ الْقَائِلِ: يُؤْتِي الْحِكْمَةَ مَنْ يَشَاءُ<sup>ج</sup> وَمَنْ  
يُؤْتِ الْحِكْمَةَ فَقَدْ أُوتِيَ خَيْرًا كَثِيرًا<sup>ق</sup> وَمَا  
يَذَكَّرُ إِلَّا أُولُو الْأَلْبَابِ.  
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ  
وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ<sup>س</sup>  
وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ  
أَجْمَعِينَ. أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ،  
أَوْصِيكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ. قَالَ  
اللَّهُ تَعَالَى: يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تَقَاتِهِ  
وَلَا تَمُوتُنَّ إِلَّا وَأَنْتُمْ مُسْلِمُونَ.



## **Muslimin yang dirahmati Allah swt ,**

Saya menyeru agar kita bersama-sama meningkatkan ketakwaan kita kepada Allah subhanahu wataala dengan melaksanakan segala perintahnya dan meninggalkan segala larangannya. Marilah kita memperbanyakkan zikir kepada Allah SWT dan memperbanyakkan selawat serta salam keatas junjungan besar Nabi Muhammad SAW di samping sentiasa berusaha melaksanakan segala sunnahnya. Mudah-mudahan ianya akan memberikan manfaat kepada kita di dunia dan di akhirat.

Khutbah pada hari ini bertajuk "**TARBIAH RASULULLAH SAW PEMANGKIN PEMBANGUNAN UMMAH**".

## **Sidang jumaat yang dirahmati Allah SWT ,**

Tarbiah atau pendidikan merupakan asas yang sangat penting dalam membangunkan sesebuah ummah, sama ada pembangunan jasmani mahupun rohani. Manakala ilmu pula dapat membimbing manusia ke arah kehidupan yang sejahtera dan harmoni. Justeru, pendidikan dan ilmu adalah dua perkara yang tidak dapat dipisahkan kerana kedua-duanya saling berkait dan memberikan pengaruh yang besar dalam kehidupan manusia.

Penekanan Rasulullah SAW terhadap kepentingan pendidikan ini telahpun diterjemahkan dalam kehidupan baginda sendiri yang berperanan sebagai guru sepanjang tempoh menyampaikan risalah Islam. Ketika di zaman permulaan Islam, baginda telahpun menjalankan siri-siri tarbiah kepada para sahabat termasuklah di rumah al-Arqam bin Abi al-Arqam. Proses pentarbiahan ini berterusan sehinggalah baginda berhijrah ke kota Madinah, di mana baginda telah



mendirikan Masjid an-Nabawi untuk melaksanakan solat berjemaah dan menjalankan aktiviti-aktiviti pentarbiahan serta pentadbiran negara.

Berkat keazaman dan kesungguhan baginda dalam mentarbiah para sahabat ini akhirnya telah melahirkan generasi yang kuat pegangan akidah kepada Allah SWT, kuat cinta mereka kepada baginda dan juga kuat cinta mereka kepada ilmu. Mereka menjadi pejuang yang berada di saf-saf hadapan ketika berjihad bersama Rasulullah SAW dan mereka jugalah yang memenuhi ruang Masjid an-Nabawi ketika mana Nabi SAW menyampaikan risalah Islam.

### **Sidang jumaat yang dirahmati Allah SWT,**

Mimbar jumaat pada hari ini menyeru agar kita mengambil iktibar dan menghayati keazaman serta kesungguhan baginda dalam membangunkan umat Islam menjadi insan yang berilmu, beriman dan bertaqwa kepada Allah SWT. Kita juga seharusnya menjadikan para sahabat Rasulullah SAW sebagai penyuntik semangat dalam meningkatkan azam serta kesungguhan untuk terus bangkit, menjadi umat yang terbaik di akhir zaman ini.

Firman Allah SWT di dalam surah Ali Imran ayat 110 :

كُنْتُمْ خَيْرَ أُمَّةٍ أُخْرِجَتْ لِلنَّاسِ تَأْمُرُونَ بِالْمَعْرُوفِ  
وَتَنْهَوْنَ عَنِ الْمُنْكَرِ وَتُؤْمِنُونَ بِاللَّهِ

*"Kamu (wahai umat Muhammad) adalah sebaik-baik umat yang dilahirkan bagi (faedah) umat manusia, (kerana) kamu menyuruh berbuat segala perkara yang baik dan melarang daripada segala perkara yang salah*



*(buruk dan keji), serta kamu pula beriman kepada Allah (dengan sebenar-benar iman) ”.*

Pada hakikatnya, matlamat untuk menjadi umat yang terbaik dan bertaqwa pada hari ini tidak mungkin akan tercapai melainkan ianya mestilah bermula dengan proses tarbiah ataupun pendidikan. Adapun perkara terpenting dalam pengisian tarbiah ini adalah dengan mendahulukan ilmu keagamaan yang dapat meningkatkan keimanan dan ketaqwaan kita kepada Allah SWT. Dalam waktu yang sama, tidak dapat dinafikan bahawa ilmu-ilmu yang lain juga perlu diberikan penekanan sebagai memenuhi keperluan hidup di dunia. Sesungguhnya, iman yang kental dan jiwa yang dipenuhi dengan ilmu ini akan menjadi perisai kepada kita dalam mengharungi apa jua rintangan untuk menjadi insan yang cemerlang, gemilang dan terbilang di dunia dan juga di akhirat.

### **Sidang jumaat yang dirahmati Allah SWT,**

Sebagai umat nabi Muhammad SAW, kita seharusnya bersama-sama meningkatkan azam dan tekad untuk terus belajar dan menguasai pelbagai cabang ilmu. Ini kerana apabila umat Islam memiliki ilmu, mereka akan mampu berdiri sama tinggi dengan bangsa-bangsa yang lain. Sebaliknya pula, apabila tidak dapat menguasai ilmu, kita akan menjadi bangsa yang lemah dan mudah ditindas oleh bangsa lain yang jauh lebih maju daripada kita. Hal ini dapat kita lihat dengan jelas di sesetengah negara yang miskin, di mana mereka terpaksa meminta belas ihsan daripada kuasa-kuasa besar dunia yang suka mengambil kesempatan di atas kelemahan orang lain. Justeru beringatlah, bahawa punca kelemahan dan kemunduran umat Islam pada hari ini adalah kerana kurangnya ilmu dan kejahilan yang melanda diri mereka.



Firman Allah dalam surah Al- Mujadalah ayat 11:

يَا أَيُّهَا الَّذِينَ ءَامَنُوا إِذَا قِيلَ لَكُمْ تَفَسَّحُوا فِي  
الْمَجَالِسِ فَافْسَحُوا يَفْسَحِ اللَّهُ لَكُمْ وَإِذَا قِيلَ  
أَنْشُرُوا فَأَنْشُرُوا يَرْفَعِ اللَّهُ الَّذِينَ ءَامَنُوا مِنْكُمْ وَالَّذِينَ  
أُوتُوا الْعِلْمَ دَرَجَاتٍ وَاللَّهُ بِمَا تَعْمَلُونَ خَبِيرٌ ﴿١١﴾

*“wahai orang-orang yang beriman! Apabila diminta kepada kamu supaya memberi lapang dari tempat duduk kamu (untuk orang lain), maka lapangkanlah seboleh-bolehnya supaya Allah melapangkan (seba-serbinya) untuk kamu. Dan apabila diminta kamu bangun maka bangunlah, supaya Allah meninggikan darjat orang-orang yang beriman diantara kamu dan orang-orang yang diberi ilmu pengetahuan agama (dari kalangan kamu) beberapa darjat. Dan ingatlah Allah Maha Mendalam Pengetahuannya tentang apa yang kamu lakukan”.*

Sesungguhnya ilmu adalah seumpama cahaya yang dapat menerangi kehidupan kita daripada kegelapan dan kesesatan. Dengan ilmu, kita akan menjadi insan yang bersikap positif dan amanah terhadap tugas dan tanggungjawab yang diberikan. Dengan ilmu juga, akan menjadikan kita insan yang sentiasa bermotivasi untuk meningkatkan mutu kerja serta bergerak pantas untuk lebih maju ke hadapan.



Firman Allah SWT di dalam surah Al- Mujadalah ayat 11:

يَا أَيُّهَا الَّذِينَ ءَامَنُوا إِذَا قِيلَ لَكُمْ تَفَسَّحُوا فِي  
الْمَجَالِسِ فَافْسَحُوا يَفْسَحِ اللَّهُ لَكُمْ وَإِذَا قِيلَ  
أَنْشُرُوا فَأَنْشُرُوا يَرْفَعِ اللَّهُ الَّذِينَ ءَامَنُوا مِنْكُمْ وَالَّذِينَ  
أُوتُوا الْعِلْمَ دَرَجَاتٍ وَاللَّهُ بِمَا تَعْمَلُونَ خَبِيرٌ ﴿١١﴾

*“wahai orang-orang yang beriman! Apabila diminta kepada kamu memberi lapang dari tempat duduk kamu (untuk orang lain), maka lapangkanlah seboleh-bolehnya supaya Allah melapangkan (seba-serbinya) untuk kamu. Dan apabila diminta kamu bangun maka bangunlah, supaya Allah meninggikan darjat orang-orang yang beriman diantara kamu dan orang-orang yang diberi ilmu pengetahuan agama (dari kalangan kamu) beberapa darjat. Dan ingatlah Allah Maha Mendalam Pengetahuannya tentang apa yang kamu lakukan”.*

**Sidang jumaat yang dirahmati Allah SWT,**

Kewajipan mempelajari ilmu bukanlah terbatas hanya kepada pelajar-pelajar di sekolah ataupun siswa siswi di institusi pengajian tinggi sahaja, sebaliknya setiap umat Islam yang mukallaf sama ada yang masih bekerja mahupun yang telah bersara juga mempunyai kewajipan yang sama. Apatah lagi mempelajari ilmu merupakan suatu tuntutan daripada junjungan besar nabi kita Muhammad SAW.



Hadis daripada Anas R.A bahawa Rasulullah S.A.W telah bersabda:

طَلَبُ الْعِلْمِ فَرِيضَةٌ عَلَى كُلِّ مُسْلِمٍ.

"Menuntut ilmu adalah kewajiban ke atas setiap muslim"

Golongan pelajar mempunyai tanggungjawab belajar yang amat besar kerana mereka merupakan generasi pelapis yang akan mewarisi takhta pemerintahan dan pentadbiran di negara ini. Oleh itu, nasihat dan tegurlah anak-anak kita supaya tinggalkan perkara-perkara yang tidak bermanfaat seperti permainan video game, berpeleseran, terlibat dengan aktiviti tidak bermoral dan lain-lain lagi. Apabila bermulanya sesi persekolahan yang baharu, kita menyeru kepada ibubapa mahupun guru dan pensyarah, untuk menanamkan semangat dalam jiwa mereka dengan keazaman untuk bangkit menjadi insan yang dapat memberikan sumbangan kepada agama, bangsa dan juga negara.

Pada masa yang sama, kita sebagai ibubapa, penjaga, pekerja dan pesara tidak terkecuali daripada kewajiban mempelajari ilmu terutamanya yang dapat meningkatkan iman dan taqwa kepada Allah SWT. Sekalipun kita sibuk dengan tugas-tugas seharian, seharusnya kita bijak mengatur dan membahagikan masa yang ada, sebahagiannya untuk kerja-kerja menyara kehidupan dan sebahagiannya lagi untuk mempelajari ilmu-ilmu yang menjamin kebahagiaan di akhirat kelak.



Hadis daripada Abu Darda' bahawa Rasulullah S.A.W telah bersabda:

مَنْ سَلَكَ طَرِيقًا يَبْتَغِي فِيهِ عِلْمًا سَلَكَ اللَّهُ

لَهُ طَرِيقًا إِلَى الْجَنَّةِ...

“Sesiapa yang menempuhi jalan yang dimanfaatkan untuk menuntut ilmu, maka Allah akan memudahkan jalannya menuju ke syurga”

### **Sidang jumaat yang dirahmati Allah SWT,**

Sejak kebelakangan ini, umat Islam di Selangor khasnya berpeluang untuk mengikuti siri-siri kuliah pengajian agama yang di adakan di masjid-masjid dan juga di surau-surau. Kuliah pengajian ini dikendalikan oleh penceramah-penceramah yang bertauliah dan dipantau oleh pegawai-pegawai agama yang berkelayakan. Justeru, kita sebagai umat Muhammad SAW hendaklah sentiasa menggunakan peluang yang diberikan oleh Allah S.W.T ini untuk menimba ilmu-ilmu agama dengan sebaik-baiknya sebagai langkah memahami tarbiah Rasulullah SAW. Sesungguhnya keazaman dan kegigihan kita dalam menunaikan tanggungjawab mencari ilmu adalah menjadi lambang keagungan cinta kita kepada Rasulullah SAW.



Hadis daripada Abu Darda' R.A bahawa Rasulullah S.A.W telah bersabda :

كُنْ عَالِمًا أَوْ مُتَعَلِّمًا أَوْ مُسْتَمِعًا أَوْ مُحِبًّا

وَلَا تَكُنْ الْخَامِسًا فَتَهْلِكُوا.

“ Jadilah dirimu orang alim atau orang yang menuntut ilmu atau orang yang selalu mendengar pelajaran agama atau orang yang mencintai (tiga golongan tersebut) dan janganlah kamu menjadi (dari) golongan yang kelima, yang dengan sebabnya kami akan binasa”

### **Sidang jumaat yang dirahmati Allah SWT,**

Sebagai kesimpulan khutbah pada hari ini, marilah kita sama-sama berusaha untuk melaksanakan perkara-perkara yang berikut :

- 1) Kita hendaklah mematuhi nasihat Rasulullah SAW yang menyarankan supaya kita menuntut dan cintakan ilmu.
- 2) Kita hendaklah memperbaiki dan mempertingkatkan kualiti hidup kita dengan berilmu.
- 3) Ibu bapa hendaklah mentarbiah anak-anaknya sebagaimana yang disarankan oleh Rasulullah SAW.



- 4) Ibu bapa hendaklah sentiasa menghadiri majlis-majlis ilmu yang diadakan di Masjid-masjid dan surau-sarau sebagai bukti cintakan Rasulullah SAW.

أَعُوذُ بِاللَّهِ مِنَ الشَّيْطَانِ الرَّجِيمِ  
أَقْرَأُ بِاسْمِ رَبِّكَ الَّذِي خَلَقَ ﴿١﴾ خَلَقَ الْإِنْسَانَ  
مِنْ عَلَقٍ ﴿٢﴾ أَقْرَأُ وَرَبُّكَ الْأَكْرَمُ ﴿٣﴾ الَّذِي عَلَّمَ  
بِالْقَلَمِ ﴿٤﴾ عَلَّمَ الْإِنْسَانَ مَا لَمْ يَعْلَمْ ﴿٥﴾

“ Bacalah (wahai Muhammad) dengan nama Tuhanmu yang menciptakan (sekalian makhluk). Ia menciptakan manusia dari sebuku darah beku. Bacalah, dan Tuhanmu yang maha pemurah. Yang mengajar manusia melalui pena dan tulisan. Ia mengajarkan manusia apa yang tidak diketahuinya”.

(Surah Al-Alaq:1-5)

بَارِكْ اللَّهُ لِيْ وَلَكُمْ بِالْقُرْآنِ الْعَظِيمِ  
وَنَفَعَنِيْ وَإِيَّاكُمْ بِمَا فِيْهِ مِنَ الْآيَاتِ وَالذِّكْرِ



الْحَكِيمِ وَتَقَبَّلَ مِنِّي وَمِنْكُمْ تِلَاوَتُهُ، إِنَّهُ هُوَ  
السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي  
وَلَكُمْ وَلِسَائِرِ الْمُسْلِمِينَ وَالْمُسْلِمَاتِ،  
فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.



## KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ  
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا  
شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.  
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ  
وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى  
يَوْمِ الدِّينِ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ فَقَدْ  
فَازَ الْمُتَّقُونَ. قَالَ اللَّهُ تَعَالَى: 'إِنَّ اللَّهَ وَمَلَائِكَتَهُ  
يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ  
وَسَلِّمُوا تَسْلِيمًا. اللَّهُمَّ صَلِّ وَسَلِّمْ عَلَى سَيِّدِ  
الْمُرْسَلِينَ وَارْضَ اللَّهُمَّ عَنْ أَصْحَابِهِ وَقَرَابَتِهِ  
وَأَزْوَاجِهِ وَذُرِّيَّاتِهِ أَجْمَعِينَ. اللَّهُمَّ اغْفِرْ



لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ  
الْأَحْيَاءِ مِنْهُمْ وَالْأَمْوَاتِ ، إِنَّكَ سَمِيعٌ قَرِيبٌ  
مُجِيبُ الدَّعَوَاتِ يَا قَاضِيَ الْحَاجَاتِ . اللَّهُمَّ إِنَّا  
نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ ، وَنَسْأَلُكَ  
بِأَسْمَائِكَ الْحُسْنَى وَصِفَاتِكَ الْعُظْمَى أَنْ تَحْفَظَ  
بِعَيْنِ عِنَايَتِكَ الرَّبَّانِيَّةَ وَبِحِفْظِ وَقَائِكَ الصَّمَدَانِيَّةَ ،  
جَلَالَةَ مَلِكِنَا الْمُعَظَّمِ سُلْطَانَ سَلَاعُورِ ، سُلْطَانَ  
شَرَفُ الدِّينِ اِدْرِيسِ شَاهِ الْحَاجِ ابْنِ الْمَرْحُومِ  
سُلْطَانَ صَلَاحُ الدِّينِ عَبْدِ الْعَزِيزِ شَاهِ الْحَاجِ .  
اللَّهُمَّ أَدِمِ الْعَوْنَ وَالْهُدَايَةَ وَالتَّوْفِيقَ ، وَالصِّحَّةَ  
وَالسَّلَامَةَ مِنْكَ ، لِيَوْلِيِّ عَهْدِ سَلَاعُورِ ، تَعَكَوْ أَمِيرِ  
شَاهِ ابْنِ السُّلْطَانَ شَرَفُ الدِّينِ اِدْرِيسِ شَاهِ



الحاج في أمن وصلاح وعافية بمنك وكرمك يا  
ذاالجلال والإكرام. اللهم أطل عمرهما مصلحين  
للموظفين والرعية والبلاد، وبلغ مقاصدهما  
لطريق الهدى والرشاد.

Ya Allah, Engkaulah Tuhan yang Maha berkuasa, kami bersyukur kehadiran-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri yang maju, sejahtera dan berkeadilan.

Justeru kami pohon kehadiran-Mu ya Allah, tetapkanlah iman kami, terimalah amalan kami, kukuhkanlah perpaduan kami, murahkanlah rezeki kami, kayakanlah kami dengan ilmu yang bermanfaat, suburkanlah jiwa kami dengan budi pekerti yang mulia, kembalikanlah kami ke jalan yang Engkau redhai, lindungilah kami daripada bala bencana dan ujian-Mu yang berat supaya dengan demikian, negeri kami akan sentiasa bertambah makmur dan berkat.

Ya Allah, kami pohon kehadiranmu, mantapkanlah pegangan kami menurut ajaran Ahli Sunnah Waljamaah dan peliharalah kami daripada amalan dan akidah yang menyeleweng seperti syiah dan sesat seperti Qadyani serta lain-lain fahaman.



Ya Allah, bukannya hati kami untuk mendirikan solat fardhu lima waktu, menunaikan zakat dan kefarduan yang lain. Berkatilah hidup orang-orang yang melaksanakan zakat dan menyayangi fakir dan miskin serta mereka yang mewakafkan dan menginfakkan harta untuk Tabung Amanah Pembangunan Islam Selangor (TAPIS) dengan ganjaran pahala yang berkekalan hingga ke hari akhirat.

رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ  
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا  
حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ. عِبَادَ  
اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي  
الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ  
يَعْظُمُ لِعَلَّكُمْ تَذَكَّرُونَ ﴿٩٠﴾

فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَىٰ  
نِعْمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ  
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.